



GARMIN VIVOSPORT MARKAKO 10 JARDUERA-ESKUMUTURREKOREN ZOZKETA

1.- ERAKUNDE ANTOLATZAILEA ETA SARIA

Caja Laboral Popular Coop. de Créditos —aurrerantzean LABORAL Kutxa—, F75076935 zenbakidun IFK eta helbidea Arrasaten (Gipuzkoan) —Jose Maria Arizmendiarieta, zk.g., 20500— duenak, Garmin Vivosport markako 10 jarduera-eskumuturreko zozkatuko ditu, SUSTAPEN baten barruan.

2.- ZOZKETAREN ESPARRUA ETA DOAKOTASUNA

1991ko azaroaren 8ko 4/1991 Legeak, Euskal Autonomia Erkidegoan joko arautzen duenak, ezarritakoari jarraikiz antolatu da sustapena, eta doakoa eta borondatezkoa izango da. Hortaz, saria irabazteko ez da kuotarik edo kopuru osagarririk ordaindu behar.

3.- SUSTAPENAREN HELBURUA ETA PROZEDURA

Sustapen bat (1) egingo da, eta honako hau izango da saria:

- Garmin Vivosport markako 10 jarduera-eskumuturreko (eskumuturreko bat pertsonako). Entitateak egoki deritzen moduan eta lekuan emango du saria.

Saria eskuratzeko, honako baldintza hauek bete behar dituzte bezeroek:

- Pertsona fisikoak diren 18 urtetik gorako LABORAL Kutxako bezeroek hartuko dute parte zozketan, baldin eta kanpainak iraun bitartean (2020-09-15etik 2020-11-15era) Mugikorreko Alerten zerbitzua kontratatatu badute eta altari eusten badiote 2020-12-01era arte. NAN bakoitzeko sari bat baino ez da emango. Zozketak prozedura informatiko bidez egingo dira.
- Irabazleak, oparia jasotzeko eskubidea galdegin ahal izateko, egunean eta positiboan izan behar ditu entitatearekin kontratataturiko produktuak edo zerbitzuak eta harreman ekonomikoa. Behin soilik har daiteke parte pertsona fisiko gisa.

Sustapenean parte hartzeak berekin dakar partekatutako edukien gaineko jabetza intelektuala eta irudi-eskubideak lagatzea. Hori horrela, bidalitako partaidetzaren ondorioz legezkiokkeen ustiapen-eskubide intelektualak, industrialak eta/edo irudikoak laga behar dizkio parte-hartzaileak LABORAL Kutxari.

4.- IRAUPENA ETA EREMUA

Jarduera Espainiako lurraldean gauzatuko da.

Sustapenean parte hartzeko epea 2020ko irailaren 15ean hasi eta 2020ko azaroaren 15ean amaituko da. Zozketa 2020ko abenduaren 10ean egingo da.

5.- PARTE-HARTZAILEAK

Honako hauek parte har dezakete sustapenean:

- Horren iraunaldian (2020-09-15etik 2020-11-15era) Mugikorreko Alerten zerbitzua kontratatzen duten bezeroek.

Honako hauek ezingo dute parte hartu sustapenean:

- LABORAL Kutxako langileek, baita taldeko, partaidetzako eta antzeko sozietateetakoek eta kanpainarekin zerikusi zuzena duten pertsonak ere.



6.- IRABAZLEA/AK ETA ORDEZKOAK AUKERATZEA, JAKINARAZPENA ETA SARIA EMATEA

Irabazleak, oparia jasotzeko eskubidea galdegin ahal izateko, egunean eta positiboan izan behar ditu entitatearekin kontrataturiko produktuak edo zerbitzuak eta harreman ekonomikoa.

Parte-hartzaile saridunak LABORAL Kutxari berretsi beharko dio saria onartzen duen ala hari uko egiten dion, telefonoz, posta elektronikoz edo bulegoetan sinatutako hartu-agiriaren bidez, saria argitaratzen eta/edo jakinarazten den datatik gehienez egun natural bateko (1) epean.

Irabazleak, saria onartu baino lehen, baimena eman beharko dio LABORAL Kutxari haren izena eta sari-banaketaren ekitaldian ateratako argazkiak argitaratzeko, entitateak egoki deritzen baliabide telematiko edo inprimatueta.

Parte-hartzaileak saria onartzen duela edo hari uko egiten diola berresten ez badu sariaren jakinarazpena jaso duen datatik gehienez egun natural bateko (1) epean, sariari uko egin diola ulertuko da. Hortaz, haren partaidetza ondorerik gabe geratuko da, eta sariari uko egiten zaionerako jarduketa erabili ahal izango du LABORAL Kutxak, goian azaldu den bezala.

Parte-hartzaileak sariari uko egiten badio edo berarekin harremanetan jartzerik ez badago, ez du ordainik jasotzeko eskubiderik izango. Bezero saridunak sariari uko egiten badio, berarekin harremanetan jartzerik ez badago edo lehenago azaldutako baimena ematen ez badu, saria ordezkoen zerrendako lehen postuan dagoenari esleituko zaio, sustapenean parte hartzeko ordena errespetatuz. Saridunak ezingo du sariaren ordezkari beste bat eskatu.

Era berean, irabazlearen izena jakinarazi ahal izango du LABORAL Kutxak, egoki deritzen baliabide telematiko edo inprimatueta bidez, baita saria emateko ekitaldian ateratako argazkiak ere.

7.- SARIAREN ZERGA-SISTEMA

Sustapen honetako sariak zerga-tratamendu hau izango du: Pertsona Fisikoen Errentaren gaineko Zergari buruzko 35/2006 Legean, 439/2007 Errege Dekretuan eta kasuan kasuko PFEZren inguruko zerga-araudian aurreikusitakoa. Hortaz, sariari dagozkion zergak ordaindu beharko dira. Sariaren eragin fiskala irabazlearen kontura izango da, eta LABORAL Kutxak bere gain hartuko ditu zerga-administrazioaren aurrean dagoen atxikipen- eta informazio-betebeharrak.

8.- ERRESERBAK ETA MUGAK

Iruzurra egin dela ulertuko da honako kasu hauetan, adibide gisa baina inolako mugarik jarri gabe: webgunearekin zerikusirik ez duten aplikazioen balizko erabilera detektatzen bada, zerbitzariari abusuzko kontsulta-kopurua egiten bazaio, eta itxuraz abusuzkoak edo/eta asmo txarrekoak diren portaerak antzematen badira.

Sustapenean zehar aipatutako egoeraren bat egiaztatzen bada, parte-hartzailea sustapenetik kanpo geratuko da automatikoki, eta saria eman bazaio, galdu egingo du.

LABORAL Kutxak ez du bere gain inolako erantzukizunik hartuko, baldin eta saridunek emandako datuetan akatsen bat badago eta horrek haien identifikazioa galarazten badu.

LABORAL Kutxak ez du bere gain hartuko inolako erantzukizunik saria ematean edo hori erabiltzean gerta litezkeen gorabeheren ondorioz, ezta berari ez dagozkion arrazoiengatik parte-hartzaileak saria jasotzean gerta litezkeen atzerapen edo hutsegiteen ondorioz ere.

LABORAL KUTXAK eskubidea izango du sustapenaren manipulaziotzat edo faltsifikaziotzat har litekeen edozein egintza betetzen duten pertsonen aurkako akzio judizialei ekiteko.

LABORAL Kutxak ez du bere gain hartuko inolako erantzukizunik sustapenean parte hartzeko erabiltzen diren zerbitzuak aldi baterako erabiltzerik ez egoteagatik edo haien funtzionamendua eteteagatik, erabiltzaileek iruzurrez erabiltzeagatik eta, bereziki baina ez esklusiboki, Internet bidez orrialdeetan sartzean eta parte hartzeko erantzunak bidaltzean gerta litezkeen akatsengatik gertatzen diren kalte-galeren ondorioz.



GARMIN VIVOSPORT MARKAKO 10 JARDUERA-ESKUMUTURREKOREN ZOZKETA

LABORAL Kutxak eskubidea izango du sustapenaren xede onerako aldaketak egiteko, horretarako bidezko arrazoiak daudenean edo sustapena oinarri hauetan jasotzen den moduan burutzea galarazten duten ezinbesteko arrazoiak daudenean.

LABORAL Kutxak eskubidea izango du sustapenaren iraunaldia luzatzeko edo geroratzeko, baita oinarri hauek interpretatzeko ere.

Halaber, enpresa antolatzaileak ez du bere gain hartuko inolako erantzukizunik aipatutako kasuetako bat gertatzen bada edo saria baliatzean gerta litekeen kalte-galeren ondorioz.

9.- DATUEN BABESA

Zure datuen tratamendua arduratzen den enpresa LABORAL Kutxa da (IFZ: F-75076935; egoitza soziala: Jose Maria Arizmendiarieta, zk.g., 20500, Arrasate, Gipuzkoa).

Parte-hartzaileak lege-oinarri hauek onartzen baditu, ulertuko da badakiela bere datu pertsonalek LABORAL Kutxaren tratamendua jasoko dutela, sustapenean parte hartzea tramitatzeko eta, irabazlea izanez gero, sariaren berri emateko, baita saridunaren izena eta/edo irudia argitaratu, erreproduzitu eta hedatzeko ere, LABORAL Kutxak egoki deritzen bitarteko, euskarri eta formatuen bidez (hala nola, adibide gisa baina inolako mugarik gabe, prentsaren, irratiaren, telebistaren, Interneten eta abarren bidez), datu pertsonalak tratatzeko pertsona fisikoak babesteari eta datuen zirkulazio libreari buruzko 2016ko apirilaren 27ko 2016/679 Erregelamenduan (DBEO) eta datu pertsonalen babesari eta eskubide digitalen bermeari buruzko 2018ko abenduaren 5eko 3/29018 Lege Organikoan (DBLO) xedatutakoaren arabera., Aipatutako jarduera horiek ez dute ordainik edo onurarik jasotzeko inolako eskubiderik emango.

Datuak ikusteko, zuzentzeko, ezerezteko eta aurka egiteko eskubideak eta, era berean, datuen tratamendua mugatzeko eta beste leku batera eramateko eskubideak erabili ahal izango dituzu, zure nortasuna egiaztatuz (NANaren edo horren pareko agiria emanez) eta protecciondatos@laboralkutxa.com helbide elektronikora idatziz, edo, bestela, ohiko postaren bidez honako helbide honetara idatziz: CAJA LABORAL POPULAR COOP. DE CRÉDITO, Jose Maria Arizmendiarieta, zk.g., 20500, Arrasate, Gipuzkoa.

Bezeroen Datu Pertsonalak Babesteko Politika osoa hemen irakur dezakezu:
<https://www.laboralkutxa.com/eu/datuen-babesa>.

10.- OINARRIAK ONARTZEA

Sustapenean parte hartzeak berekin dakar oinarri hauek onartzea. Beraz, parte-hartzaileak adierazten badu oinarri hauek guztiak edo haietako batzuk ez dituela onartzen, sustapenetik kanpo geratuko da. Ondorioz, LABORAL Kutxak ez du parte-hartzaile horrekin hartutako obligazioa betetzeko beharrik izango. Oinarri hauek www.laboralkutxa.eus webgunean kontsulta daitezke.

11.- LEGERIA APLIKAGARRIA ETA JURISDIKZIOA

Lege-oinarri hauek Espainiako legearen arabera arautuko dira. Bergarako epaitegi eta auzitegiek izango dute eskumena oinarri hauen baliozkotasunaren, interpretazioaren edo betetzearen inguruan sor litezkeen erreklamazioak edo ezadostasunak ebazteko.